

伽經但說其功能理趣不說相應知

金剛頂瑜伽念珠經

佛說大方廣曼殊室利經

觀自在菩薩儀軌經

三藏沙門大廣智不空奉

詔譯

尹五

二

余時世尊復徧觀察淨居天宮告觀自在菩薩摩訶薩言善哉善哉善男子汝能如是善巧方便利益衆生故住陀羅尼形而爲衆生演說安立勸進隨喜解其理趣爲修行者開示法要及諸護摩善巧方便能獲無上正等菩提及獲二乘人天之果以清淨身能爲衆生作諸佛事

示現佛身安立寂靜無住涅槃若有衆生應以摩醯首羅身得度者即現摩醯首羅身爲彼衆生演陀羅尼秘密之法乃至應以帝釋之身迦樓羅身緊那羅身摩呼羅伽悉地明仙日月星宿童男童女種種之身乃至異類二足四足多足無足有情無情三界之身而

得度者即皆現之而爲演說以是義故名觀自在余時世尊復讚觀自在菩薩摩訶薩言善哉善哉善男子汝能如是善巧方便利益有情現種種身開示演說甚爲希有是真清淨菩提薩埵汝於來世阿僧祇世界微塵數劫於平等光明普照世界當得作佛號曰平等光明普照如來應供正徧知明行足善逝世間解無上士調御丈夫天人師佛世尊令彼衆生住於無畏無諸熱惱無有變易究竟寂滅然後方般大般涅槃余時世尊授觀自在菩薩摩訶薩記淨居諸天及會無量菩薩摩訶薩衆以佛神力承普光明徧照之光普照十方無量世界而皆大明其中衆生遇斯光者快獲善利離諸苦惱悉發無上菩提之心一切大衆思念佛身各於本座寂然而住雨衆天華清涼香風普散大會余時大衆於虛空中各見無量觀自在菩薩摩訶薩十方刹土靡不周徧時諸大衆同稱是言南無佛

陀此是世尊威神之力 一切衆會見此神變
心得歡喜離諸疑惑

尔時觀自在菩薩摩訶薩從座而起遶佛三
市頭面作禮瞻仰如來目不轉瞬熙怡微笑
手持白拂誠心而住時他方世界一切諸佛
各雨種種雜色華雲中有天妙衣華曼金索

瓔珞幢旛旛迦尼網嚴飾之具滿虛空中彌
覆佛上天出妙聲讚言善哉善哉如來今日
爲觀自在菩薩摩訶薩作法輪王摩訶灌頂
無量莊嚴具 及與妙音聲 過人天所讚
如是皆來現 十方諸如來 一切菩薩衆
六欲及色界 幷無垢淨居 彼佛子灌頂

如是皆雲集 俱胝魔羅衆 及多類衆生
皆持妙供具 來獻佛菩薩 同願於未來
皆如觀自在

尔時觀自在菩薩摩訶薩頂禮尊足讚如來
已還就本座作如是言此陀羅尼過去諸佛
毗婆尸等及我世尊釋迦如來所共宣說隨

喜印可及於未來彌勒世尊阿僧祇等一切
諸佛亦當宣說作是語已入於普光明多羅
三昧以三昧力從其面輪右目瞳中放大光
明隨光流出現妙女形住於殊勝妙色三昧
無價雜寶而爲嚴身如融真金映瑠璃寶所
謂成就出世間密言之要能息衆生種種
苦惱亦能喜悅一切衆生徧入諸佛法界自
性猶如虛空平等住故普告衆生作如是言
誰在變苦誰有流溺生死海中我今誓度作
是語已徧遊無量無邊世界還至佛所右遶
三市頭面作禮觀自在菩薩摩訶薩足合掌
恭敬持青蓮華瞻仰菩薩受教而住思念如

尹五

四

來自在神力以清涼光普照衆生猶如世間
清涼月輪能除熱惱一切幽暝無不照了復
過於是含喜微笑憐愍衆生猶如慈母以慈
悲光普照佛刹諸天光明皆悉不現
尔時觀自在 吉祥清淨者 作禮世尊已
偈作如是說 我於俱胝劫 演說是多羅

理趣及密言 時節與方位 如是過去佛
亦皆廣宣說 如虛空無邊 無能限量者
我今於少分 隨事而演說 若人妙修行
勝願悉成就 十方與壽命 無不獲如意
若有諸衆生 現求人天果 受持是妙法
隨說而修習 無量俱胝劫 受持是妙法
若欲求十地 滿足菩薩位 難勝與不動
善慧及法雲 受持多羅尊 俱胝與三億
隨其根利鈍 或十六洛叉 如是妙修行
必獲如上事 若欲見觀音 吉祥清淨者
誦七洛叉數 獲見無有疑 若求見勢至
無垢摩訶薩 聖者必現前 聖者必現前
若於三時中 寂靜心無染 一心常念誦
速疾滿六度 具足如來藏 涅槃及實際
光明不壞身 無等等三昧 坐於金剛座
轉無上法輪 開人天之眼 修行多羅故
如上皆圓滿 欲悟陀羅尼 儀軌諸方便
了義及修多 甚深之理趣 及息三有苦

尹五

五

當誦洛叉徧 若欲求梵天 及與天帝釋
轉輪人天主 誦滿洛叉徧 若欲遊雪山
及與泥提夜 須彌及鐵圍 莩醯與妙寄
摩頰妙幢山 吉祥及阿部 涅部剉羅娑
只怛俱吒等 皆誦洛叉徧 清涼及尸利
如是仙聖宅 呼召藥叉女 皆誦洛叉徧
羅刹龍宮等 應誦洛叉徧 藥叉乾闥婆
問決諸疑惑 乃至天宮殿 隨意皆能住
欲入脩羅宮 隨事皆曉了 欲未如上願
及持明仙女 應誦洛叉徧 欲入脩羅宮
遊戲恣娛樂 繫那羅所住 應念皆來至
及求延壽命 繫那梨 乃至天宮殿
豐財及僕使 一切五欲樂 隨意皆能住
若我及如來 於俱胝數劫 應誦洛叉徧
猶尚不能盡 持此多羅者 欲入脩羅宮
多羅大悲者 一切之慈母 應受人天供
無一非子者 故號世間母 天人及藥叉
無殊須菩提 觀音大勢至 一切五欲樂
慈氏與香象 月光無盡意 乃至天宮殿

離垢虛空藏 妙眼及大慧 維摩等菩薩
皆是多羅子 亦是波若母 三世諸如來
一切摩訶薩 無一非子者 皆稱是我母
慈育諸有情 安戴如大地
少時觀自在說是偈已即爲多羅菩薩說陀
羅尼曰

娜慕囉怛娜_二^合怛羅_二^合夜耶娜莫阿利耶縛
魯吉帝濕縛_二^合羅耶冒地薩埵耶摩訶薩埵
耶摩訶迦路尼迦耶怛姪佗

唵多剎咄多剎咄喇莎_二^合訶

時觀自在菩薩說陀羅尼已以多羅菩薩威
神力故一切世界所有衆生離諸苦惱皆獲

安樂悉發無上菩提之心悉與法界體性相
應入於出生無邊門藏一切衆會心生奇特
歎未曾有

觀自在多羅菩薩經曼茶羅品第二

余時觀自在菩薩摩訶薩告多羅菩薩言若
女人爲欲成就一切種智及欲滿足世間勝

尹五

六

願應當修習如是秘要其曼茶羅一如今日
釋迦如來在淨居天宮與諸菩薩集會之位
其修行者先應擇地或於山峯或於河岸或
近大海華果泉池寂靜之處離諸危難及農
戾車怨賊毒蟲旃荼羅等雜穢之處量取四
肘或八肘乃至十六肘掘深一肘去諸骨髮

灰炭荆棘不淨之物取河灰土及諸淨土先
以五淨灑已即誦本尊陀羅尼一百八遍加
持其土用填其地清淨隱築極令平整取黃
牛糞不墮地者亦誦陀羅尼而加持已然後
塗地於神通月及吉宿日或正月十五日二
月八日十五日等從夜起首以青蓮華印加

持壇地取五綵綻拼其界道以五色粉撲盡
爲之或七寶粉隨力而辦和諸香末誦陀羅
尼四方三院先於中台畫釋迦牟尼佛坐寶
師子座作說法相右邊應畫觀自在菩薩坐
蓮華上瞻仰合掌持白蓮華身白紅色嚴飾
瓔珞首戴寶冠左絡白神索左邊畫金剛藏

菩薩右手持金剛杵身淺綠色次後應盡八
大菩薩所謂彌勒菩薩大勢至菩薩曼殊室
利菩薩地藏菩薩虛空庫菩薩除蓋障菩薩
灌陀波崙菩薩虛空藏菩薩於金剛藏菩薩
下復盡降三世明王菩薩作忿怒形及盡月
齋忿怒菩薩作挾掌摧伏諸魔勢近觀自在

尹五七

菩薩盡毗俱胝白衣觀世音馬頭明王各如
本色近馬頭菩薩盡大吉祥觀世音大日觀
世音月觀世音豐財觀世音名稱觀世音於
釋迦如來師子座下盡蓮華池於其池中有
妙寶蓮華作赤光色如紅頰梨放大光明其
蓮華中坐多羅菩薩左手持青蓮華右手仰
安齋上如坐禪勢眼亦如是嚴飾瓔珞披紗
縠朝霞衣然而住其壇四門幢幡華蓋欄檻
陛楯難提商伎諸天音樂讚詠聖衆壇東西
盡阿迦尼吒天衆少光天子無熱天子北邊
盡妙見天子善現天子其門兩邊盡梵天梵
輔天光音天大梵天四方各盡一天皆戴寶

冠披赤色衣或黃或白身無瓔珞坐禪而住
各以左手安頂上作敬禮相外院門側盡訖
哩瑟擎槃圖魔王瓔珞莊嚴少年之兒次盡
化樂天及兜率夜摩帝釋天子等近門而住
次盡四天王天迦樓羅天伊舍那鬼神主及
盡毗紐天持輪而住次盡半支迦大藥叉將
次盡染婆羅大藥叉及滿賢報賢藥叉王等
及盡訖利底大藥叉女日月星宿四姊妹割
底迦童子并二龍王難陀拔難陀等如是聖
衆皆須一心迎請以心發遣取白華置遏伽
鉢中供養一切諸佛菩薩緣覺聲聞一切呪
仙世出世間皆須觀盡心供養以白檀龍腦
鬱金而爲香水散灑聖衆復以此香爲末燒
之當白是言惟願諸佛諸大菩薩一切聖者
與我悉地令我速出生死淤泥三稱是已隨
力所辦而爲供養心常繫請世出世間一切
呪天願加持我一一各結其本印而相應之
以八新餅盛滿香水并置一切種子及七寶

金銀并諸藥草阿摩羅樹枝并楊柳夜合松柏等葉以不截繒綵繫覆餅上四餅置內四角四餅置外四角又安八餅第一一餅供養色界阿加尼吒天衆第二一餅供養淨居天衆第三一餅供養欲界天衆第四一餅供養諸藥叉天女及持明呪仙第五一餅供養諸

尹五

八

佛世尊第六一餅供養菩薩聲聞緣覺第七一餅於多羅前而爲供養第八一餅供養一切衆生如是一十六餅皆須一一如法布置於壇四面各然蘇燈塗香燒香華髮珍饌一一皆如曼殊室利曼荼羅法皆以本尊陀羅尼加持諸供養物於壇西南角去四五肘應作護摩單吒其爐方四角或一肘二肘深可半肘爐中作蓮華形其爐穿造如擇地法取新攢淨火以乳木作柴取一切草華及五種子和酥蜜酪先以酥三杓供養火天燒之次蜜酪各三杓然後以五種子三置火中陀羅尼曰

唵阿祇你 莎嚩訥 詞

誦此密言而加持之復取白檀鬱金龍腦香等相和香水盛以瓦木金銀熟銅新淨之器右邊安之請火天已取華香誦根本陀羅尼擲燒供養火天右手取香水右旋灑火及用本法先自護身次結青蓮華印想多羅菩薩

誦一千八徧取諸曰華置遏伽水想念本尊捧而供養先傾三滯又取白檀鬱金龍腦和酥蜜酪并取有乳木柴無節端直十二指截一千八段一誦一擲爐中燒已多羅菩薩即現其身告行者言汝求何願一切施與縱修行者有積業重障亦現警誠或放光明或聞雷震鍾磬等聲或於空中無雲而雨或香華清涼妙風觸行者身遇斯瑞已生大慶悅諸天人衆見修行者心生歡喜應知多羅菩薩不凡滿願若阿闍梨爲作此者發遣聖衆獻遇伽已即於道場如常誦念一千八徧圍遠三匝隨意經行每日三時或七日三七日乃

尹五

九

至七七日求自本願念誦已即取多羅菩薩本尊前餅供養之水結青蓮印灌修行者頂其灌頂處去壇八肘盡一蓮華而灌頂已圍遶三匝重獻遏伽誦諸讚歎結本尊印上置白蓮散於壇上以爲供養然後如常時發遣壇中蓮粉置清淨流水之中不應踐履

曼茶羅處復用瞿摩塗之供養飲食應施衆僧及諸貧者曾入曼茶羅修行之人不應食此亦不得食茄子蘿蔔蓮華根莖亦不得踐履窣堵波影及阿闍梨父母之影清淨比丘修行人影乃至七佛菩提樹影並不應履觀自在多羅菩薩經畫像品

余時釋迦牟尼佛又復觀察淨居天宮告觀自在菩薩摩訶薩言汝今次應爲多羅菩薩說畫像法時觀自在菩薩摩訶薩承佛聖旨從座而起禮佛雙足復徧觀察淨居天宮而勑天龍夜叉健闔婆阿蘇羅迦樓羅緊那羅摩呼羅伽及一切世界明呪仙作是誓曰汝

等應當聽受憶念本三昧耶勿生疑惑若當來世有修行者應當擁護若起異心執金剛大藥又將以金剛火燭杵摧碎汝頂命終之後墮泥犁於無量劫受大苦惱尔時菩薩告誓已訖告多羅菩薩言若未來世諸修行者至求圓滿增上悉地當依我教如法畫像取

新白氈及諸絹素不截幅者組織清淨無諸毛髮華及彩色必須新潔取第一畫工及發菩提心身器全者受八關戒或八肘四肘乃至一肘先於中台盡釋迦世尊坐於衆寶師子之座處淨居天宮身色如金作說法相左盡曼殊室利童子嚴飾瓔珞微作赤色著青

尹五

十

色裙被輕縠衣絡以神索右手執白拂左手持青蓮華坐瞻仰而住右盡觀自在菩薩身淺紅色髮戴寶冠化佛帶白神索於蓮華上跏趺而坐左手執蓮華右手於頂上作敬禮勢種種瓔珞莊嚴其身作微笑兒以次復應盡多羅菩薩無價雜寶而爲莊嚴身綠黃色

如盛年形作慇念微笑觀行者見向觀自在曲躬而住左手持青蓮華右作執吉祥果勢於觀自在菩薩下應盡行者捧香爐作頂禮勢於座右邊盡二金鉢盛熟阿摩羅果下方盡少光天子無熱天子善見天子作聽法相上方右邊盡阿迦尼吒天子左邊盡善現天

子右手散華左手作敬禮相上盡寶善諸天妓樂四邊空處悉盡龍華若修行者至誠供養頂禮一拜滅除億劫生死之罪

觀自在多羅菩薩第二盡像品

尔時觀自在菩薩摩訶薩復告多羅菩薩言若修行人復欲成就第二盡像法者先於中

台盡無量壽佛倚菩提樹左邊盡離垢菩薩白色種種莊嚴衣紗縠衣手持白拂側顧向佛右邊盡四臂觀自在菩薩右第一手作無畏印以中指大指捻數珠展手作摩頂勢第二手作執杖形左第一手持紅蓮華第二手執軍持觀自在菩薩右邊盡多羅菩薩妙寶

尹五

十一

莊嚴身綠黃色掌捧青蓮華半跏而坐作恭敬曲躬之相離垢菩薩下盡三目四手毗俱胝菩薩身著素衣左第一手執蓮華第二手執軍持右第一手作無畏印第二手執數珠多羅菩薩下盡一髻羅刹眼赤黑色擔肚垂下她爲瓔珞狗牙上出著虎皮裙蟒蛇槃髮

右手把鐵斧左手持蛇繩索以血塗身二手合掌攢眉怒目作恐怖想爪甲纖利交絡象皮毗俱胝下盡四臂馬頭菩薩二手絡根本印右手持鐵斧左手執蓮華丁字而立作忿怒相像下盡難陀跋難陀龍王左手捧蓮華莖右手作敬禮相池下盡地天捧寶盤跪

瞻仰四方四隅盡八方神上盡日月諸天妓樂五色雲中灑甘雨勢觀自在菩薩下盡行者著白衣執香爐跪瞻仰若修行人於月八日或十五日或神通月或順吉宿應食乳粥華果等食或唯食香依先持誦法三時澡浴不應睡眠常坐茅草身衣白服數限欲終

三日不食無限念誦對此像前於壇四角置
香水餅中挿夜合柳等諸香樹葉亦置七珍
及五穀種以不截絲覆於餅上行者坐左邊
案上置曼殊般若散華經上八方置八淨器
亦盛香水又置八椀乳然百盞酥燈種種飲
食盛以新器置壇四角燒沉水香燒乳木火

取沉香十二指截一百八段搘酥合油一誦

一燒滿一百八徧

觀自在菩薩大悲聖者從東方來手持杖身
衣白服妙寶瓔珞以爲莊嚴以黑鹿皮作右
膊交絡髮戴寶冠現行者前放大光明普照
地獄畜生餓鬼苦惱衆生遇斯光已身安快
樂發菩提心行者見已散諸華香五體投地
至誠歸命持過伽水以獻菩薩時觀自在大
悲聖者告行者言善哉行者汝等何願一切
施與得印可已所求心欲無不成就或飛騰
虛空或安怛陀那或聞持延壽或根不具亦
得圓滿或求伏藏入修多羅窟亦得隨入觀

自在宮如是等一切上願出世間無不成

就復誦此密言發遣聖者陀羅尼曰
娜慕嚩怛那二合怛嚩二合夜耶娜莫阿剎耶
魯吉帝濕嚩二合嚩耶菩地薩埵耶摩訶薩埵

耶嚩耶剎蘇路蘇路薩嚩薩埵迦路尼迦
孽蹉孽蹉阿剎耶嚩魯吉帝濕嚩二合嚩也陀
三麼耶滿努薩麼二合嚩薩嚩二合訶

行者捧諸香華誦此真言七徧加持已散菩
薩足下則成發遣
一髻羅刹陀羅尼

娜慕嚩怛那二合怛嚩二合夜那娜莫阿剎耶
魯吉帝濕嚩二合嚩耶冒地薩埵耶摩訶薩埵

耶娜慕髻迦惹吒耶麼阿嚩乞灑二合斯阿夜
嚩摩麼麼訶嚩乞灑二合斯麼麼母迦薩嚩迦
剎也捉迦路吶怛姪佗阿難帝薩嚩二合訶惹
叉二合路乞叉二合薩嚩二合
訶此陀羅尼能令用功少成就疾亦是多羅

菩薩使者故諸修行人應當誦念

觀自在多羅菩薩儀軌經

大樂金剛不空真實三摩耶般若波羅蜜多理趣經

三藏沙門大廣智不空奉 詔譯

四五

十三

如是我聞一時薄伽梵成就殊勝一切如來
金剛加持三摩耶智已得一切如來灌頂寶
冠為三界主已證一切如來一切智智瑜伽
自在能作一切如來一切印平等種種事業
於無盡無餘一切衆生界一切意願作業皆
悉圓滿常恒三世一切時身語意業金剛大
毗盧遮那如來在於欲界他化自在天王宮
中一切如來常所遊處吉祥稱歎大摩尼殿
種種間錯鈴鐸繒幡微風搖擊珠髮瓔珞半
滿月等而為莊嚴與八十俱胝菩薩衆俱所
謂金剛手菩薩摩訶薩觀自在菩薩摩訶薩
虛空藏菩薩摩訶薩金剛拳菩薩摩訶薩文

殊師利菩薩摩訶薩纔發心轉法輪菩薩摩
訶薩虛空庫菩薩摩訶薩摧一切魔菩薩摩
訶薩與如是等大菩薩衆恭敬圍遶而為說
法初中後善文義巧妙純一圓滿清淨潔白
說一切法清淨句門所謂妙適清淨句是菩
薩位欲箭清淨句是菩薩位觸清淨句是菩
薩位愛縛清淨句是菩薩位一切自在王清
淨句是菩薩位見清淨句是菩薩位遍惱清
淨句是菩薩位愛清淨句是菩薩位慢清淨
句是菩薩位莊嚴清淨句是菩薩位意滋澤
清淨句是菩薩位光明清淨句是菩薩位身
樂清淨句是菩薩位色清淨句是菩薩位聲
清淨句是菩薩位香清淨句是菩薩位味清
淨句是菩薩位何以故一切法自性清淨故
般若波羅蜜多清淨金剛手若有聞此清淨
出生句般若理趣乃至菩提道場一切蓋障
及煩惱障法障業障設廣積集必不墮於地
獄等趣設作重罪銷滅不難若能受持日日